

ALVARELLOS EDITORA PRESENTOU EN OURENSE O LIBRO ESQUECIDO DE VICENTE RISCO



De esquerda a dereita, Marcos Valcárcel, Arturo Lezcano e Henrique Alvarellos, no Liceo de Ourense o 10/2/06

[Conferencia de Marcos Valcárcel na presentación do libro 'Últimas Páxinas sobre Galicia'. Liceo de Ourense, 10/02/06](#)

- **Titúlase *Últimas páxinas sobre Galicia* e recolle a obra xornalística completa deste autor ourensán para a revista *Vida Gallega*.**
- **Algúns dos escritos remóntanse ao ano 1919 e chegan ata xuño de 1962, poucos meses antes do falecemento do autor.**
- **Unha coidada edición que incorpora un amplo estudo sobre Risco a cargo de Marcos Valcárcel, un escrito de Arturo Lezcano (compañeiro de tertulia do autor) e varios manuscritos inéditos.**

O Salón Nobre do Liceo de Ourense serviu o pasado venres día 10 de febreiro de 2006 como marco para a presentación pública do libro *Últimas páxinas sobre Galicia* de Vicente Risco, un volume publicado por Alvarellos Editora que recolle a obra xornalística completa de Vicente Risco para a revista *Vida Gallega*, uns traballos que se remontan no tempo ao ano 1919 e as cartas da polémica entre os nacionalistas e os rexionalistas da época, até os derradeiros escritos do autor, os ensaios publicados en 1962, once meses antes do seu falecemento.

No acto estiveron presentes o autor do documentado estudo introdutorio a este libro, o historiador e escritor Marcos Valcárcel, tamén contou co testemuño dun dos compañeiros de tertulia de Risco nos seus últimos anos, o xornalista e escritor Arturo Lezcano (quen tamén participa na obra cun texto), e o editor deste libro, Henrique Alvarellos Casas.

Vicente Risco (Ourense, 1884-1963) foi un dos grandes piares da literatura e do pensamento galegos do pasado século. Erudito, vangardista, amenísimo,



Rúa das Arribadas, 7, 1º C
15706 SANTIAGO
www.alvarellos.info
Tel: 609 90 88 52

enxeñoso, contradictorio, brillante... Todos estes adxectivos toman corpo nos textos de *Últimas páxinas sobre Galicia*, un volume que redescobre ao mellor Risco nuns escritos que levaban esquecidos medio século e que xamais foran publicados en libro.

VALCÁRCEL: “TODO UN AGASALLO PARA O LECTOR DE HOXE”

Marcos Valcárcel sinalou que “calquera das entregas do ourensán en *Vida Gallega* é un agasallo para o lector de onte e de hoxe”, ao tempo que afirmou que “Risco utilizou o xornalismo como plataforma de maxisterio intelectual, e foi ademais o escritor/galeguista que máis colaboracións fixo nas revistas da emigración”. Valcárcel denunciou a “visión reduccionista que nos últimos anos sobrevalorou os posicionamentos políticos de Risco” ao tempo que esquecía todo o seu pensamento.

Finalmente resaltou que “a revista *Vida Gallega* foi, na súa segunda etapa, a vinculada á familia de Henrique Alvarellos, un manantial de escritores galeguistas”.

Nos traballos de *Últimas páxinas sobre Galicia* fala Risco da paisaxe, do cinema, de libros, de viño, de Portugal, da Semana Santa en Ourense, do Románico, do fenómeno Xacobeo, de pintura, de nacionalismo... e mesmo sincérase nunha curiosa “Autobiografía confidencial”.

Este volume (que representa o terceiro tomo da Colección Rescate de Alvarellos Editora) inclúe ademais cinco manuscritos inéditos do autor, ademais de reproducións de varios de seus traballos tal e como foron publicados na revista *Vida Gallega*.

ALVARELLOS: “RISCO COMBINA ERUDICIÓN E SINXELEZA”

Henrique Alvarellos destacou na presentación desta nova publicación que “descubrir ou redescubrir a Vicente Risco é un gratísimo pracer. É dos grandes clásicos que, a un tempo, preséntasenos como fundamento moderno. Ademais, combina como moi poucos a erudición coa sinxeleza, algo moi difícil. Alvarellos Editora está sen dúbida orgullosa de incluír na súa Colección Rescate a este autor”.



FICHA TÉCNICA

Título: ÚLTIMAS PÁGINAS SOBRE GALICIA

Subtítulo: ARTÍCULOS OLVIDADOS EN VIDA GALLEGA, 1919-1962

Nº páxinas: 197

PVP: 17 €

Medidas: 14x21

ISBN: 84-89323-03-8

Colección: "Rescate"

Encadernación: tapa dura

Ilustracións: reprodución de cinco manuscritos inéditos e varias páxinas da revista *Vida Gallega*, dende 1919 a 1962.

Idioma: castelán (90%) e galego

[MÁIS INFORMACIÓN EN WWW.ALVARELLOS.INFO]



Rúa das Arribadas, 7, 1º C
15706 SANTIAGO
www.alvarellos.info
Tel: 609 90 88 52